

դէւ հնար կատարել զինդիր Սէրվիչէնի՝ եւ սոյա դարձան 'ի տեղիս իւրեանց :

Այլ յետ ոչ բազում աւուրց վախճանեցաւ Յովհաննէս Պատրիարք՝ հարեալ 'ի կաթուածէ (1860 . Գեկտեմբեր 23) , 'ի սօսնի Դաւթի մարգարէի և Յակոբայ առաքելոյն կատարեցաւ տխուր հանգէսն յուղարկաւորութեան ամենայն շքեղութեամբ , եւ թաղեցաւ 'ի վանս Ս . Փրկչի 'ի կարգս առաջին Պատրիարքաց : Եւ ժողովեալ միաբանաց գրեցին զամենայն հանգամանս գործոյն 'ի կոստանդինուպօլիս յազգային Պատրիարքարանն եւ առ Փոխանորդն Սահակ վարդապետ : Սա 'ի կենդանութեան իւրում շինեաց զհառաւոր Պատրիարքարանն , զնեաց զայդին 'ի վերայ Փիլիպպոսի աղբեր , զոր Արարացիք կոչեն Հանկէ , մերձ 'ի դիւզն Վէլէճէ : Գնեաց նաեւ արտաքոյ քաղաքին Երուսաղէմի արտորայս առ 'ի կառուցանել շինուածս , յորոց 'ի վերայ միոյ մասին կառոյց շինուածս ինչ մեծ նեղութեամբ և դժուարութեամբ , ստացաւ նաեւ զմեծամեծ տունս 'ի մէջ քաղաքին 'ի կալուած , 'ի հիմանէ՝ կառոյց զհառաւոր Ուսումնարանն դմբեթարդ մերձ 'ի Չաֆ Բաղն , զոր ինքն ետ կառուցանել . և այսպէս լի արդեամբ և ազգաչէն բարեգործութեամբ վախճանեաց զկեանս իւր վըտացեալ 'ի դաւանաց և 'ի նենգութեանց ընտանի նախանձաւորաց իւրոց , որոյ յիշատակն եզրիցի օրհնութեամբ :

Յետ վախճանելոյ Յովհաննու Պատրիարքի միաբանք վանաց խոկային կացուցանել զոմն 'ի միաբանացն վանաց յԱթու Պատրիարքութեան ըստ առաջին կարգի և սովորութեան Աթուոյն . և զի 'ի սմին ժամանակի բաց յԱւագ Լուսարար Գէորգ Եպիսկոպոսէ չէր այլ ոք Եպիսկոպոս յԱթուն , նա եկաց յայնժամ Գլուխ միաբանութեան եւ զնա յօժարեցուցանէին լինել Պատրիարք . սակայն փութով եհաս օրհաս նմին , վախճանեցաւ եւ 'ի նմին աւուր Մկրտիչ վարդապետ Դարպասոյնկալ : Գէորգ Եպիսկոպոս Աւագ Լուսարար Տէր Յարութիւնեան Ռոմանցի 'ի տոհմէ թաթարեանց , այր զգօն կրօնասէր եւ զգուշաւոր 'ի բանս , կարգեալ 'ի պաշտօն Լուսարարութեան (1849 . Ապրիլ 9) . վախճանեցաւ (1861 . Յունվար 6) :

Եւ զինի այսմ կարգեցին ընտրանօք Տեղակալ զՎրթա-